



和16
1599
10



羅山林先生文集卷第二十一目錄

記事上

寬永甲戌御入洛記

城内神廟靈鶴記

羅山林先生文集卷第二十一目錄

羅山林先生文集卷第二十一目錄

記事上

寬永甲戌御入洛記

台命撰

羅山林先生文集卷第二十一

記事上

寬永甲戌御入洛記 奉 台命撰

夫有草創之君而後取天下有守成之主而後治天下是所以撥亂反正永保邦家也故雖周武之克殷而不有成王周公之政則不能致太平雖漢祖之破秦楚而不有文帝景帝之勤則不能持長久雖武德之亡隋而不有太宗之洪業則不能為貞觀之治故草創為難守成不易恭惟

東照大權現始平其不道征其不王而領扶桑文武相總寬猛兼濟諸侯畏之兆民戴之舉世皆所知也

台德院殿繼守文之緒重熙累洽常勤政事正者愈正安者益安降霈澤于一天重家運於九鼎闔國之人莫不瞻仰而欽奉焉方今

幕下大君膺三葉之不圖起萬年之大功賞罰明而人皆勸法令正而衆悉悅列國侯伯無不心服六合臣民無不得處雖然安不忘危治不忘亂惟

文惟武左之石之有其具則易其備可謂置天下於太山之安矣蓋是其生知之所使然乎高山不可度也深淵不可測也巍巍蕩蕩何易言哉守成之德於是爲盛今茲寬永十有一年夏六月二十日乙亥舉玉趾于江戸城七月乙酉朔越十有一日入洛風伯拂塵雨師清道先驅後乘連日夾路數百里不絕然能整齊而竟無嘩自匪號令能聽則何其至于斯哉詩云蕭蕭馬鳴悠悠旆旌其是之謂乎五等之有爵者先行拜謁于洛陽者進退

蹶踏惟慎雖古帝王巡狩時皆會于岳之禮不能
過之也既而在二條城厥明 詔使 院使共來
賀依例所近侍之月卿雲客亦奉謁翌日 詔使
院使復來聘禮 皇太后亦有贈進焉攝政三台
親王槐棘華族名家卿大夫諸司百寮悉皆拜焉
法親王貴僧高僧凡有綱位者同來拜是日也諸
侯羣士亦以次序而拜趨洛陽繁華人皆改觀在
官者在家者編戶者在市者在江湖者在山野者
皆欣欣然有喜色一遊一豫為諸侯度可以觀焉

十有六日畿內名山古刹僧侶諸社靈神凡有封
戶者有神職者皆來拜於是 命滄吉以是月
十有八日當入 朝堂上堂下聞之無不覽望於
是士林之中麾下之際或任拾遺或授位階者夥
矣當是之時 廣內有旨 幕下可太政大臣辭
不從 詔使 院使再三懇懇之固辭竟不肯議
者謂 大權現 台德院殿俱任相國今又被任
則其官之相稱也三代之芳聲傳于後世不亦美
乎不然以外戚故任之以權威故進之古來有之

無取焉以_レ皇祖皇考之達尊登此官則德爵齒之相應而相稱也今若應詔輒就則闕之官奈皇祖皇考之盛德何哉且今若從詔許而後它人亦有攀龍附鳳之志則可之乎不可之乎可則驕不可則慍不若不從焉本爲天下之元帥早任_レ上能掌四海豈有他求哉以此故確乎不肯聽焉雖有竹林院洞院兩丞相之擅美于前代其何以及此禮讓之實乎與其昇進就職不如其謙遜而垂拱殊絕勝豈啻萬萬倍而已乎哉真

是非世俗之所知也豈庸庸之所可議哉有議者多之十有八日天朗氣清惠風和暢詔使夙興來邀御轅既駕行糶濟濟多士如林前騎後騎殆二十輩左右步行之士二百餘人其次第儀式如例然自古行伍之壯盛若今日能周備而佳麗未之有也自二條城至于禁裏只聞警蹕而不聞武卒前呵之聲雖從者如雲而不見失容蹉跌之形雖豫戒街衢而不有一夫爭怒之氣自非平日教法克定則何至于此哉無貴賤無長少無緇

素無男女盈道左伏拜仰之如日望之如天既比
及禁門近侍卿相雲客奉迎之尾州紀州兩車
相水戶黃門暨奧州加州隅州三黃門越前參議
越後羽林長州肥州羽林并群拾遺等以下凡有
官位者皆躡踞以謁爰停御轅日野亞相進鉤
簾飛鳥井黃門跪取香井伊氏持雄劔吉良氏持
寶刀共以從焉其及門內諸高官貴介搢紳下階
奉迎之幕下昇殿謁龍顏天威遠顏咫尺奏
進幣物若干天上雲間高而遠兵人間風日不到

之處豈易測哉喜氣津津歡聲洋洋其祝規如例
於是乎入蓬萊洞則侍御臣延玉椿之筭而姑射
之山不改其色謁長秋宮則羣公主連瓊樹之
枝而坤樞之星猶增其耀壽觴事已祝慶禮畢委
蛇而退及晚還于二條城其從者供給如初是日
也列國之達官貴勝悉捧聘物拜宸儀復拜
仙顏兼獻于皇太后是亦由幕下敬朝廷
守國家之餘波所廣覃故也十九日諸侯伯子男
卿大夫士皆來獻拜趨賀疇昔之入朝也薄暮

雨沛然洪範所謂風雨時若其斯之謂乎天意之
所歸可知而已匪直也事真天授也二十有一日
召攝錄槐門龍樓鳳池相將八座七辨大夫士群
官人并法親王高貴之僧綱等大饗之泊自諸侯
至衆士亦豫焉竟日有散樂俳優令見之座闌復
賜酒食此間日者頒與絺綌單衣及白銀于衆人
各有差比皆依例有豐而無檢不知幾千萬也二十
有三日賜白銀十有二萬枚于洛中若是之巨惠
振古未之聞也人皆甚悅雖大明無私而不能照

陰處雖時雨同天而不克沾庇蔭是夫天地猶有
所憾而況於人乎今此恩賜所及匹夫匹婦莫不
普蒙所謂一人有慶兆民賴之其是之謂乎閏七
月乙卯朔越三日新增采地七千石被寄
仙洞添舊共一萬斛也厥明四日幕下依
詣于仙洞御覽蹴鞠還枉台駕于九條前
博陸及子右大將之第特賜祿各有差比入二條
城白雨降霰今日之從者無一人濡衣裳者設雖
使冷風雨未有如斯之應也世皆感之六日賜雲

州隱州于京極若狹守賜若州與敦賀于酒井讚
岐守八日二條左府康道公之子以通日欲初冠
故賜御諱字因名曰光平先是左府頻請求之
故今有此仰也用大權現初嘗賜左府以御
諱字之先例也考之于前則有宗尊親王之賜平
時宗誓之於後則有義滿之授滿基義持之授持
基以今而視之郁郁乎文哉可謂盛事九日琉球
人來貢幕下出前殿有英覽由隅州黃門之
款請也黃門同出拜謁焉十日藤原光平卿來拜

謝此時左府亦共有禮拜十三日九條前博陸及
其季子家基來拜謝比年有前博陸之懇訴屢乞
使續松殿乃者許之起既絕之家立久廢之迹故
號曰松殿然其備攝政家之負則未見許焉十四
日督責聖護院照高院停園城寺長吏先是兩院
互爭長吏是行也兩詞相備以聞甲失於遲怠乙
失於濫誣故命黜兩院不許相為長吏十六日賜
封國食邑米地之印章于諸侯群士殆及七十章
其餘忘郡縣鄉邑名者不在今數中以期他日焉

十八日西州諸侯多賜服及祿有差逮晚幕下
出城其從者不多人皆以為巡覽郭外然直赴北
野却過祇園到清水寺而還洛邊之形勢皆入于
台覽二十日寄增米地二百石于圓滿院二百石
于寶相院共雖為三井之名室而職由甚少故也
二十有二日召飛鳥井氏難波氏催遊庭之興以
蹴鞠焉留洛之侯伯士大夫伺候縱觀之二十有
三日召攝政前左府藤原兼遐兼遐來前聞命
而退明日又來謁對話良久而罷人罕知焉二十

有五日寄台駕于淀城於是乘樓船順流而下
山色水聲如有喜氣船者自南紀所獻也其粧飾
雖古之青雀黃龍未嘗有如是之盡美也已而達
于大坂城留後者皆出拜迓旨賜守者祿各有
差有旨免大坂管内人家之年稅及屋宅沽價
之征又免泉塚并平城人家之年稅入皆失稅服
逮晚幕下出周覽郭邊二十有七日皇太后
使者來奉問起居今日御覽官馬乃出城巡禁
山而還二十有八日台駕發大坂城到橋本之

輕舸過長岡，經勝龍寺而上京。晡時入二條城，二十有九日，尾紀兩亞相水戶黃門及留洛諸侯來謁。是日也，兼遐公又來謁。久之，罷。逮夜，有旨授松平伊豆守阿部豐後守堀田加賀守從四位八月甲申朔早入朝謁于天顏。又謁于仙洞，乃覲。皇太后告暇以東歸，日在近故也。亭午還二條，少馬太雨乍晴，於是乎。詔使院使來賀。朔此時，近侍卿相雲客皆進賀，諸侯亦然。二日南光房大僧正天海來拜，且言頃者奉崇。

東照大權現于江州坂本之宮，奏行法會。請宣命使并著座官人事已而來云爾。今日森內記出拜謝，以其父沒襲封作州故也。三日兼遐公復入府言談移刻而退。此夕有旨任鷹司內府於右府。四日尾紀兩亞相入府共賜暇。今日新賜松平陸奧守于江州，內米地五千石為耕在洛雜事故也。五日台駕發洛陽赴江戶。

城內神廟靈鶴記 并詩

寬永丁丑之春改作江城殿舍時相營中攸築

東照大權現廟基小笠原右近大夫忠政奉
鈞命而監焉所謂宗廟為先之禮肅如也胥議廟
可南面 幕下謂東南共可則宜應 神魏而東
面但隨 神意其唯闡乎三月十七日使佐久間
將監實勝告權僧正忠尊實勝乃齋而往忠尊拜
靈前占闡之請言東一南二探得一至于再至于
三皆然更書東南字于片紙拈為二丸探開得東
字也人皆益信 鈞命之能稱 神有昭昭矣與
賴朝之取闡定地遷鶴岳于小林蓋其揆同其德

厚者乎孟夏朔己亥郭內所馴養之鶴兩隻相率
來守者隨追而返之少焉有雙鶴自空舞下規翔
矩步見者拱向人皆竒之既而指東而飛惟夫鶴
者羽族之靈長神仙之騏驎也千齡之遐筭萬里
之風雲指蓬壺而翻翰匝日域以廻鶩聖人在位
則翔集于甸昔黃帝會衆神而鶴舞其右故曰聲
聞于天可謂祥瑞矣加之此鳥也漢宣帝祀世宗
廟集于庭章帝柴望岱宗來翔壇上皆是感其孝
敬之所使然也事已達於 台聽甚動喜色越

卯豫所擇定廟壇督繩而祀后土之吉辰也因表
祝禮以奏舞樂于便殿賜飲食于老臣及近習黃
時大僧正天海應召拜謁焉樂訖纏頭者不可
勝數也且夫是日也姬君降誕之辰當踰月也
與唐帝初產日有鶴飛舞亦可并按焉慶之又慶
不幸甚乎頃暮下有不豫色漸就平安神今
快齊肩壽則萬歲之慶與鶴舞齊永久太平之瑞
與天地同無疆也惟神之賜也祝而有餘
本朝昔大倭姬以鶴所舍而墜之稻穗奉天照大

神而得豐年號伊勢大年宮又祭日本武尊時有
白鳥飛過其所到建祠白鳥謂鶴也且鶴岳者八
幡大神之所棲止也皆是非所謂神仙之騏驎乎
遠于延喜御宇勅禮部省掌賀瑞之事瑞有上中
下以此鳥為上瑞以今觀之則其德之盛大其孝
之深厚高踰古昔不翅萬萬而已嗚呼神之格思
不可度思矧可射思謹應 台命恭崇靈威仰頌
上德伏抒下情云爾 十四日十日
靈神如在勢巍然勝地營宮初夏天雙鶴繞壇珠

樹影從今新綠幾千年

寬永萬年之十四年四月十七日

羅山林先生文集卷第二十一終

羅山林先生文集卷第二十二目錄

記事中

東行日錄

長崎逸事

駿府日記 關

朝鮮信使來貢記

寬永戊辰日光山齋會記

羅山林先生文集卷第二十二
東行日錄
丁未春三月甲子朔步自家而見鴨川橋於是乎
不能不思夫子題柱之言然此心毫釐差則千里
繆故孟子分舜蹠以善與利是已於是乎作橋銘
於乎橋乎名利之路乎因以警之至于江州之大
津泛湖舟中值雨水光山色濛濛雨脚風力陣陣
過草津是夕宿于石邊翌日乙丑經水口及土山

羅山林先生文集卷第二十二

記事

東行日錄

慶長十二年作

丁未春三月甲子朔步自家而見鴨川橋於是乎
不能不思夫子題柱之言然此心毫釐差則千里
繆故孟子分舜蹠以善與利是已於是乎作橋銘
於乎橋乎名利之路乎因以警之至于江州之大
津泛湖舟中值雨水光山色濛濛雨脚風力陣陣
過草津是夕宿于石邊翌日乙丑經水口及土山

而日已亭午超勢州之鈴鹿坂以歷關到于龜山
而休此夕龜山刺史使使問我且有桂玉之贈丙
寅朝赴刺史之招因以駟送我于桑名丁卯沿于
海達于尾州之熱田而拜廟廟者景行帝之子日
本武尊之神也因想昔年皇子東征之日西夷怨
耶非耶書曰湯初征自葛敵國不相征也世之傳
者或以此廟為蓬萊宮以此神為楊貴妃之靈蓋
流俗之妄乎而小野道風書門額曰春叩門者方
士來叩此宮門也宮初名太真殿後改今名其額

今猶在云非也明宋濂日東曲所謂國有楊貴妃
祠蓋羨此訛也過鳴海斤逾池鯉鮒越參州之鷺
坂而息於岡崎戊辰歷藤川踰赤坂出小境及吉
田經大巖而至于遠州之白洲下以歇此所南海
之濱也邑中夜驚恐大波蕩溺人家馬鳴犬吠舍
主告我曰去歲地震水漲湯湯溺人家殺牛馬急
走登山者得不死而已故今夜恐懼如此我亦不
眠而杞國天墜之事可以笑乎涪州達舍之言宜
以思矣頃之人定水亦果不至已已渡今切到前

坂通濱松越天龍河河深而急峻往來人多爭乘
船舟中之人馬如盛見池田望湯谷之塔湯谷倡
女也乎宗盛驛之竟至於身為天下僂古今色之
於國家危哉是日也及于見附而暮矣庚午過山
石庄經懸河上佐夜之中山又下而自金谷涉大
井河河深廣且多石而無橋并舟暨筏於是暮雇
知瀨者令其執我馬之轡既已而曰淺則揭深則
厲行于駿州之島田而至藤枝以憇辛未出於岡
部超宇都山山中葛楓古有今無在五者古之歌

人也而今安在哉懷舊之感慨於物於人不能不
起亦人之常情耳過丸子及藁科度阿部川日之
禺中至于府中甲戌 青油幕入府夏四月癸巳
朔越甲辰入田中距府五里越若翌日乙巳我發
府到江尻見三保之松越清見之關過由比則見
八運潮掃鹵又筭之釜中而撒柴燃火而後以為
鹽其艱難可知且乎其為食肴之將也知其味者
亦不可不知其艱經蒲原絕富士河河流急於天
龍人馬涉者俱若辟易僉曰不履撓不自逃者鮮

矣州名駿河者蓋因此河得其名乎今日所經歷
乃所謂多子之浦也富士山之陰也古今志倭歌
者吟詠不少就中山部明人獨拔其尤者數對此
境諷此歌則景致風味不可勝言也茲夕次于吉
原丙午過浮嶋原歷沼津此所謂車返也乍思曾
邨國之不入於勝母我父母在京師而我奚其遠
遊哉嗚呼官事毋監勉哉然忠孝豈一也哉古云
求忠臣必於孝子之門濟黃瀨河跨豆州之三嶋
以什箱根山山上有湖方二二里許唐人詩山頭

水色薄籠煙遠客新愁長慶年我今似之周易有
之山上有水蹇君子以反身脩德我今思之箱根
山之東麓有稱塔澤之地有僧不食五穀夏冬唯
一葛一衣不沐不浴不鬚不爪年二十七常杖鉄
杖著鉄履行嶮岫如走平地書無量壽佛號而有
光人多上塔澤者宿者信者往來絡繹如縱我所
傳聞蓋如此云或曰狐狸妖魅之爲也人之愚而
迷者至於祈病乎石人請事乎鮑祠悲哉夫江淮
禳祠壞于狄公石佛光明滅於程子今塔澤不遇

如此之人其幸乎亦不幸乎此日寓于相州之小
田原丁未過小磯大磯大磯有石俗名都羅石曾
我助成有妾名都羅此其遺蹤也助成血氣之勇
士耳况又其淫乎傳曰宴安耽毒也不可懷也歷
平塚亂相模川自藤澤而往鎌倉鎌倉有七道焉
我之馬奚醉而失道問田父田父指曰左左乃得
道未時入鎌倉望寺院則悲浮屠之賊君惑民見
大佛而嘆泉布之不能流行六朝之時有墊錢以
鑄佛者資治通鑑綱目書鑄佛像不免朱子之筆

誅其餘古蹟甚多谷谷不可勝計也雖累日而不
可盡見矣以我觀鎌倉則四塞之地而天府之所
也自平高時遡于時政執通國兵馬之權歷一百
五六十年所勢力如彼其大也城郭如彼其堅也
行乎國政如彼其專也年歲如彼其久也而源義
貞一旦卒輕黠烏合之衆轉而攻之戰則克當則
破竟鎌倉焦土高時赤旗然則在德不在險爲人
之上者其可不鑒乎戊申出鎌倉自谷至谷而見
農父入泥牽水手指牛馬足踏蝗蝻除草芟莠以

治田易畝而養其苗於是乎稼穡之艱難亦可以
見焉堯典敬授民時良有以哉我於治田者鹽之
二事最有感矣谷行五里許出于武州之合度過
神奈川歷品川以入于江戸巳酉拜幕下侍十
有五日侍讀黃石兵法書及漢書張良列傳與高
祖所興項籍所亡者六日又將讀大學未果越閏
四月癸亥朔步自江戸則至于藤澤越四日丙寅
歸于駿府

按慶長十年 先生初拜 東照大神君

於京師二條城此年應

召赴駿府蒙

命到江戸拜 台德院殿而歸侍駿府

長崎逸事

慶長十
五年作

余去歲秋赴駿府孟冬澄弟往長崎長崎者番船
所湊賈客所集而一都會也可不謂吾邦之神應
港乎五六十年前蠻船初來或黑船一二隻或白
船一二隻有每歲來焉有間一二歲來焉來巨六
七月去以十月若明年二月是其番風之恒也其
徒以事天為法謂之耶穌號天主為陡斯其書旁

行華編為帙緣業生死為教疑是囿祖國之種
族歟屢勸吾民俗愚而好恠者便於市利者多奉
其法誠可憎哉逐末者由之貨殖頃年官置吏以
監察之征賦之法辜權之利將大行也諸客患之
仲冬余旋洛而得澄第消息聞其無它喜而不寐
荆樹風吹棣棠春好骨肉之恩手足之愛誠不可
捨也先是四三歲余効蚩蚩之民貿易於彼因思
其曾所經歷路遠且脩乘齋而輕櫓數聲踰幾山
鳴順風而征帆一片過數州郡若逢怒潮狂瀾則

囊無徐長卿奈注船之患何哉既而達於赤日關
於是涉海則有蘆屋松浦之嶮若其箕伯示稟陽
侯為魘則漂于三韓乎流于蠻貊之邦乎沈於蛇
龍鯨鯢之窟乎不可知也行陸則有八町千粟之
難馱重而疲馬不畏鞭策短叢矮笠以禦其雨鄙
食朝夕腹不果然僮僕赤脚不近我而行晨雞祝
祝而起暮鴉閃閃而宿漸而抵於長崎賈胡與居
黑廡共遊徃來狼戾言語嘈雜真夷中之夷也百
千里之艱苦許多日之勞煩羈旅行李之懷亦可

想矣詩云兄曰嗟予弟天倫之情不亦厚乎冬末
京師傳言今茲船頭殺日本商人數十人于阿姥
港奪其貨財事發覺有馬修理者受官旨將取贖
船是月九日發卒擊船舶主拒之而去里許風逆
而不能帆於是下碇而泊因購蟹夫以截纜蟹夫
持刀潛行纜繩互堅而如鐵不能截焉放薪舟欲
燒之船衆發鳥銃而中之薪舟自退而焚官吏長
谷川氏泛樓船將攻戰而激勵馬修理十一日修
理乞樓船而又與輕艦相進及夜樓船接船尾敢

死者先登數十人短兵急迫船中大譟噴噴嗚囉
喇叭鉦鼓鉦燭之聲聞數里最後火聲輝爆迸散
入于鉦藥箱時一聲動天地船主遂自焚而與船
共入海蠻人死者二百餘白銀二十餘萬兩白絲
二十餘萬斤金鎖環釧繡羅布帛等器財不知其
數皆腐於水中吾邦諸商空手而還如行者之迷
家如農夫之遇潦旱似赤子之失恃怙信可惜哉
上元之晚澄弟歸來且攜且話於是知傳聞之為
實矣初船主防銅發鉄炮飛矢長槍以束絲為楮

及船沈其絲數千把浮於海濱拾集而為堆官有
旨賜馬修理其蠻客器財在陸者皆籍沒納之官
官吏長谷川氏上言擇無罪之蠻人載諸小船而
遣之度幾阿姥港之不塞而來歲之入又依舊也
官聽其言矣方今吾商客通外夷者殆二十國自
有吾邦以來未有如今日之多且盛也昔唐帝思
海南市舶之利楊範臣一言格君心之非開元之
羨談不在茲乎吾聞西南洋中有三佛齊國番船
往還之要路也諸番來過而贈獻者以為常若不

然則巨艦蒙衝出戰奪番船由此觀之諸番必以
吾邦與三佛齊同其類乎嗚呼澄弟無德棄龜有
喜是行也余何傷哉屠羊說未掌尖屠所也庚戌
仲春涉筆於浮山之洞天

駿府日記 關

慶長之末 先生侍駿府數年其際粗記
所見聞以為一小冊囉丁酉之災而無副

稿

朝鮮信使來貢記

時大樹偶在
京居伏見城

元和三二年丁巳秋八月廿一日朝鮮人來貢令居
紫野之天瑞寺惣見院其三使通政大夫吳允謙
通訓大夫朴椿通訓大夫李景稷又朴崔兩通事
及上官等上下都四百數十人京尹板倉伊賀守
勝直奉旨饗之三使七十五膳通事等五十五膳其餘各
賜飲食有差今日執事本多上野介正純及板倉
伊賀守勝重為使節自伏見赴紫野勞朝鮮使之
遠到也兩人裝束諸大夫三使出迎之廿三日對馬
嶋宗義成柳川調興出於御前有獻物是與朝鮮

人同來故也廿六日朝鮮人拜禮也已刻將軍
家出御伏見城西丸南面上壇設御座重疊疊上
蒲團其上鋪茵刀懸在左衣冠御裝束如式朝鮮
貢物目錄在別紙列置東南緣上近公家殿諸大名
諸士各著裝束而出仕板倉伊賀守勝重本多上
野介正純土井大炊助利勝安藤對馬守重信伺
候御前緣於是三官使出於御前大澤少將藤
基宿捧朝鮮書朱塗管以赤繪備御前既而
三使近上壇闕而三拜揖退而向西而坐兩通事

羅山文集卷之二十一

自緣升_上疊_上三拜而_又坐次官人等三列於緣上
三拜了退于次間其餘諸率等於庭中三拜而退
於是_冷近習諸大夫_垂下壇間御簾外樣諸大夫
垂下壇間御簾因有式_三獻近習諸大木板倉周
防守重宗永井信濃守尚政等為御給仕三使各
賜御盃_{每度備金}伊賀守上野介大炊助對馬守
揖通事朴大根_令言上官使之謝詞三獻已訖
將軍家入御_云其後尾張中納言義俊駿河中
納言賴信出其座_講三使備饗膳_{七五}通事以下

皆於次間賜椀飯未刻朝鮮人退出其後將軍
家有出御對面兩中納言米澤中納言景勝越前
宰相忠直大崎宰相政宗已下諸大名_{此間終}
_東又令松平右衛門正久伊丹喜助某於大佛殿
設強飯酒肴賜朝鮮人是自伏見飯紫野之路次
也九月五日朝鮮人賜飯國暇今日本多上野介
板倉伊賀守赴紫野持所遣朝鮮之回簡以授_三
使_入薛繪箱以唐織_{白銀}一萬五千兩金屏風十
五_兩變賜_二使_每一人銀五千_兩白銀四千兩賜通事

二人白銀千兩賜上管二人白銀五千兩賜諸官
人青蚨十萬匹賜諸卒有差又朝鮮禮曹參判尹
壽民贈書于吾邦之執政是先年朝鮮人民為俘
囚在 吾邦者唯今請還之有 旨曰此度其欲
還者宜放歸或在此而安居舍為嫁娶有子孫者
不欲還亦可任其意若有欲還者不許之則宜有
法禁者也此趣酒井雅樂頭忠世本多上野介正
純板倉伊賀守勝重土井大炊助利勝安藤對馬
守重信五臣同奉 旨贈返翰兩書共三
在別紙今晚義成

調輿賜暇各賜銀
子御服是與朝鮮人相共同行故也十
日朝鮮人發與野今夜宿淀板倉伊賀守奉 旨
以驛馬足夫送之往來共於淀宿賜飲食也原夫
朝鮮者自古為我西蕃今及其來而厚惠之是亦
柔遠人懷諸侯之意乎

此記大抵用倭樣不必拘文章唯記下時
所見而已此後寬永元年甲子朝鮮信使
來朝拜謁於東武 先生作記其文式如
此記罹丁酉火災而無副景其後寬永十

三年丙子朝鮮信使來朝作倭字記是亦
倭字同二十年癸未信使來朝時亦作倭
字記今存焉 又按此時酒井雅樂頭忠
世耀父喪故不預信使拜禮之事然禮曹
回翰押判爲五臣之上首

寬永戊辰日光山齋會記

寬永五年戊辰夏四月十三日 大相國發江戶
十六日登日光山其從如雲其列如林蓋當于
皇考神君十三周忌修靈福也先是尾張亞相義

直卿紀伊亞相賴宣卿水戶黃門賴房卿皆豫來
會是時 詔使齋宸筆般若心經來其封累紙有
御製倭歌二篇頌其德業也又題法華二十八品
要文短冊所謂序品照于東方云者御制也其餘
則公卿群臣及貴僧所詠也共納之且被奉幣帛
誠敬神之至也 中宮冷曼殊院良恕寫偈以
被進之 女院令彈正尹好仁親王書陀羅尼以
被獻之皆奉納之是日豫參之公卿群官及貴僧
與 詔使俱拜謁

大相國乃命台嶺南光房僧正天海而領其事十
七日靈輿神遊於山管橋邊頻宮山王摩多羅
二輿從行焉所謂時來時去來則風肅然者歟
大相國坐假閣而見之有如在事存之心不亦孝
乎僧正等別搆假皮而拜之少焉靈輿還宮於是
大相國詣廟而拜且奉幣如例十八日詣靈廟
塔行投戒灌頂事僧正請令梨本家胤入塔中事
竣靈雨滂沱人皆異之 大相國欣然焉僧正以
有神君之舊好故獲逢此幸何榮如之及晚布

施不知其幾百千也蒲山草木恩光昭向其儀制
亦不言而可知矣二十一日還於江戶三卿從之
詔使公卿及緇衆留在焉是月二十五日 大樹
又入山今晚公卿及貴僧悉拜謁焉厥明詣
闕宣高倉參議永慶侍束帶吉良少將義彌侍轅
簾且執履前橋侍從酒井忠世捧雄劍吉良侍從
義冬捧副刀扈從行糝肅肅儼然警趨有備左右
有列於是僧正磬折壘迎之 大樹再拜誓首於
靈前且奉幣右旋左即席令弟駿河亞相忠長卿

進再拜稽首而下階以待僧正先行於是 大樹
躋三級石梯入 靈廟亞相從行此時一條右相
兼遐公三條亞相實條卿中院黃門通村卿出自
宮左藥師堂亦共從焉擡輦輅於盤石映劍珮於
松杉移天上之風煙增山中之光輝既而妙法院
堯然梨本家胤青蓮院尊純毘舍門堂公海同在
其列佛事間奏舞樂僧正請令堯然爲今日導師
復請令寂胤爲明日藏法導師令尊純唱伽陀皆
許之翌日辰巳之交 大樹復詣謁 神宮疇昔

之公卿及群僚皆從焉其外僧口數百輩群至金
欄伽黎衣被于草木累磨瓔珞玲瓏于雲霞山花
忽開菩薩之面瀑布將引天人之影既而修法華
藏法曼陀如雨伽羅似烟晴嵐傳魚山之響自笑
弄塵陰嶺吹鳳鳴之律漸入解答讓頰伽聲於于
規聽佛法僧於異鳥所謂水鳥樹林念佛念法溪
聲廣長山色清淨者乎現極樂城乎人間示寂光
土乎娑婆嗚呼奇哉偉哉 大樹特坐一帖席忠
長卿侍其左髻金厨子居中央釋迦金軀安其中

駕獅文殊馭象普賢爲脇侍前設小高座導師坐
焉於是右相公以下及僧正等衆徒共可二三十
口圍繞金厨聲明行道殆若干遍或捧散花金盆
或持數珠經卷行道伽陀事漸闌右相公起取雲
客所抱繡衣一襲以賜僧正凡三寶條卿通村卿
以次抱衣而投堯然寂胤尊純凡三皆有司以叙
相授受其餘被物二百領許則五位武士授之僉
曰僧正者最澄闍梨再來而富貴者也夫以冠裳
混袈裟和光回塵之緣乎以神明同佛陀有本有

迹之心乎以宗廟接梵宇同根一體之理乎以
祀修妙法報本追遠之德乎以梅檀代灌鬘君高
悽愴之義乎果其如何闍山盛事如今之壯麗自
古未曾有也業已 大樹退廟還館俄雷雨冰雹
大如指人皆以爲祥愈懼靈威及晚僧正及公海
以下群緇所受觀物如陵如山所謂僧正富且貴
如此餘乃稱焉二十八日 大樹出日光五月朔
還於江戸 詔使公卿群吏并貴僧復來拜獻因
命各就館圭使人厚饗之既而異事 詔使公卿

貴僧歸京師

按此行 先生奉從 大樹御駕之後記其所見也至若 大相國登山之事則記其所聞也故其儀頗有詳畧

羅山林先生文集卷第二十二終

羅山林先生文集卷第二十三目錄

記事下

東照權現新廟齋會記

羅山林先生文集卷第二十三

東照大權現新廟齋會記

附錄下

羅山林先生文集卷第二十三目錄

羅山林先生文集卷第二十三

記事下

東照大權現新廟齋會記 奉_レ 台_レ 命_レ 撰

夫日光山者東州之勝地而下野之靈區也記風
土於國史著社座于神祇式緣起所謂採薇蕨於
伯夷之峯宿雪未滅趁芳花於劉阮之洞仙源可
尋絲蘿紡風羽客之衣斜繫益苦滑石仙人之茵
交敷非夫絕粒茹芝修鍊者焉極岩栖谷飲之幽
邃哉加之述其事跡則瑩玄珠於空海之碑開白

羅山林先生文集卷第二十三

三

花於師鍊之筆載其履歷則野宰相作樂以示世
藤敦光揚推而傳之其餘何言哉共惟

東照大權現岳靈蹤于此以降既二十有十年矣

其秘殿巍然猶存規矩制度上應星躔屋不呈材

墻不顯形未見如其夕露為珠網朝霞為丹雘也

隨魅遠迷萬祥畢臻嗚呼威驗之盛大也洋洋乎

如在哉妙萬物而周六虛誠不易測也

大君幕下天縱英稟生知聰明紹靈祖皇考

之洪緒板繼志述事之大孝永念重熙之治平每

由神明之依憑是以准太社例改作宮宇創去歲

初夏成今茲季春聚子來之民勸日省之工使化

工草圖義和練旨巨靈壁巖般爾運斤盡變態乎

其中新廟諸宇凡百之事程巧期功已就矣畫

寫天地品列萬類鳥獸草木靈恠雜物託之丹青

煥乎炳焉映于三辰雕蟲篆刻具得其狀如是之

大舉如是之早成殆如神靈之所為也豈人力也

哉爾乃制度之莊麗則華表高標罕伏波之銅柱

甃路坦平笑漢廷之緻礪望其門則兩神挾弓矢

而誰何俗云荒殆是天石戶別之髣髴乎抑又天
忍日命之響像乎縹垣皓壁樹林相輝過瑞籬法
回磴踰玉階左城右平而後透幽關入玄堦踧踏
如也其車深而奧秘者 闕宮有仙實實枚枚鳥
企山峙霞駁雲蔚高甍崔嵬飛欄軒翥萬楹彤綵
之飾七寶纏連之糝繡栴之髹朱桁梧之赭色枅
拱複疊如風籟所出之竅穴畫棟高聳似浦雲飛
揚之氣象菡萏出水之餘五色之變千紅萬紫植
物音然不凋鳴吻穿霧之外翱翔奔走浮泳蠢動

森羅宛爾如生仰觀俯察左顧右盼凡厥木無不
漆雕而無不後素而無不鏤質而紫磨然且尚之
以琉璃與文璫附之刻寸段之奇木檜皮幾重用
之蓋戴礫石之十全以為礪基至若金扉珠戶白
間青瑣列錢落帶錦帳翠簾之屬繁色累巧不可
勝言也惟清惟靜神明之舍詩云噲噲其正噦噦
其冥人只見其正而不能見其冥復不能窺所奉
若予之寶鼎嗚呼棟宇已來未之有也與夫茅屋
越席一豐一儉雖異其制然不壯麗不足以觀威

靈於兆民不飾美不足以訓成業於百世故圭瑞
幣帛者祭器也黻冕者祭服也明堂辟雍者享祀
政令之處也聖人不致美於茲乎不致孝於神乎
上吉清廟蓋以茅漢唐明堂蓋以瓦其下藉茅存
舊制也而今所新之諸宇以銅為瓦獨闕宮舊以
檜皮亦有意哉可謂於一荒山也太立宮柱於底
磐之根峻峙樽風於高天原而守天下之
東照大神君也吁可畏乎其示迹也誠可敬而可
貴矧又雲廊長而縵回御厨淨而明潔苗裙巫女

振鈴于神樂寮烏帽丁夫銅匳下龍蹄厩輪藏五
千軸轆轤常轉如是之經石盤一夕水泠泠自洗
無垢之手鐘樓鼓閣映對左右捷推鳴緇徒集秘
府三字鼎立相列銀鑰收金鎖合無量珍寶玩好
奇異之物叔於其間不亦富庶乎若夫言仙釋同
源本迹二門則遺跋關羅波賦之朱門入瑠璃光
善逝之畫堂十二神將呵禁不祥百品妙藥除治
衆疾自匪婆奴現時玉兔亞鳥而列位即是羽人
來遊黑狗化龍而登天雖望莊嚴王宮于彼土忽

移瑠璃上界於此山所謂陰法雲於真際則火宅
 晨涼暉惠日於通衢則重昏夜曉者歟區宇若茲
 殊形詭制每各異觀如向所云且又靈塔之路
 石級九折削成雲棧山管橋柱建以鉅石而支激
 湍是行也經營是其大略餘悉難名厥泉石動植
 之常有者置而不論霜皮黛色之檜杉千尺割深
 青干岩闢雲影蔚藍之湖潭百頃載彼蒼於虛舟
 忍辱之草即是苾芻之薰香乎佛法僧之鳥亦是
 圓通境之鶯囀乎溪前瀑布鼓廣長之舌窟底銅

氣識不貪之寶古人稱此山云梅檀鬱金之香綠
 法華而芬郁八功德池之水與念佛而清涼可謂
 靈區有異產既而南光房太僧正天海請遷宮之
 日時幕下以聞朝廷從之於是公卿殿上人
 應往招以季春中浣而發京師右大臣藤原朝臣
 勢平鷹司前內大臣藤原朝臣實條三條權大納
 言藤原朝臣資勝日野權大納言藤原朝臣光廣鳥
 新大納言藤原朝臣季繼四辻又新大納言藤原
 朝臣兼賢廣橋權中納言藤原朝臣業光柳中納言

藤原朝臣永慶高倉中納言藤原朝臣雅宣雅鳥中

納言藤原朝臣光賢光廣中納言藤原朝臣經敦

大炊御門前中納言藤原朝臣氏成水無參議藤原朝

臣康胤堀參議右近衛中將藤原朝臣公景姊小

參議左大辨藤原朝臣俊定小川藏人頭左近衛

中將藤原隆量朝臣鷲尾右近衛中將藤原信孝朝

臣樋口左近衛中將藤原隆朝朝臣櫛左近衛中將

藤原高有朝臣綾小右近衛中將兼內藏頭藤原

言總朝臣山科右近衛中將藤原有純朝臣六條右近

衛中將藤原基秀朝臣河左近衛中將藤原隆術

朝臣四條少納言平時良朝臣西洞院左近衛中將藤

原雅章朝臣雅宜左近衛中將藤原基定朝臣持

院少納言清原秀相朝臣舟橋左近衛中將藤原隆

良朝臣油小路右近衛中將藤原季福朝臣裏左近

衛中將藤原公業朝臣阿野右衛門佐藤原永將朝

臣永慶藏人左少辨藤原總光兼賢藏人右少辨

藤原弘資資勝左近衛少將藤原隆脩七條右近衛

少將藤原有能千種左近衛少將藤原實清梅園左近

藤原朝臣

藤原朝臣

衛少將藤原嗣長高倉南家右近衛少將藤原冬勝滋野

井極臘藏人安倍泰廣土御門藏人小槻宿禰某壬生

此外兩局地下諸所及伶倫數十人悉皆來會

若桑門之貴勝則曼殊院良恕親王号竹内妙法院

堯然親王梨本家胤親王号權井青蓮院前大僧正

尊純梨本弟子慈胤親王曼殊院弟子良尚親王

此皆世所稱御門通者也或瓊樹連枝花爛熳於荆溪之風或

平臺一片霞鬢隸于台嶺之天而今當此盛事逢

其招請其餘僧綱及諸宗學徒威儀師從儀師聲

明僧輩亦多攀躋闔山頗繁徑躋如市廷臣并桑

門乃至諸吏凡預神事者自洛自江戶有至此山

則豫命賜郵傳旅資以使之不乏又賜新裁金襴伽

黎天海公海及六貴僧各一領其價不訾又命家

臣副護廷臣歷歷六貴僧使有司具備廩庖繼餽

台命降天海以吉日辰令維時寬永萬年之十有

二年夏四月乙亥朔越甲申十日夜奉遷大權現

於新殿詔使藤光廣卿藤兼賢卿藤永慶卿藤

雅宣卿藤俊定卿束帶著座隆量朝臣奉行事豫

命與平美作守忠昌秋元但馬守泰朝及那須群
 士等警護之丙戌十二日詔使藤公景卿奉幣如
 式又使藤資勝卿納中劔平并馬使藤康胤卿宣命
 讀祝詞書式如例太上皇使藤光廣卿奉劔平
 皇太后使藤兼賢卿獻鏡二面入散金是日也
 幕下詣增上寺拜奉台德院殿之靈牌以詰朝
 將赴日光故也乃者課西北州諸侯眾士築江戶
 城郭石垣東州及與羽諸侯群官鑿郭外隍壕特
 來集者殆二十萬人於是文武群僚奉奉旨留守

警衛如式 丁亥十三日台旆既出鹵簿行列千
 乘萬騎具有次序如例兩師泛灑箕伯清塵到岩
 築城於是阿部對馬守重次獻御膳 戊子十四日
 入古河城城主侍從兼大炊頭藤原利勝奉饗應
 是夕若狹侍從兼讚岐守源忠勝奉旨先旨途日光 己丑十五日著宇都宮
 城主與平美作守忠昌奉迎之彦根左近衛少
 將兼掃部頭藤原直孝郡山侍從兼下總守源清
 臣豫參拜謁 台駕所到皆有賞賜士臣亦有所
 獻而報禮焉庚寅十六日出自宇都宮城路經大澤

阿部對馬守采地也官馬歇息獻午炊今晚次于
 今市點如來寺以為御館其所周衛則執事近
 臣皆繞營館表四獸陣蓋備不虞也及晚大納
 言源朝臣義直卿尾張殿大納言源朝臣賴宣卿伊
 殿自大桑村到今市拜謁台顏快然蓋豫命約
 期也中納言源朝臣賴房卿水戸殿有微恙在大桑
 不能來於是執事者上言月卿雲客六人貴僧請
 自日光來謁釣命曰使其勿來明朝邂逅于山
 中云爾故皆不至於是源義彌義冬承命往日

光義冬告事于勅使實條公資勝卿院使公景卿此三使自江戸先登山
 故及大僧正天海義彌告事于鷹司殿并六人貴
 僧各謹聞命矣從四位堀田加賀守正盛永井信
 濃守尚政稻葉美濃守正則朽木民部少輔種綱
 共服忌未闋有旨皆留于今市辛卯十七日
 幕下早陟山入御館武夫夾路而馳驅列卒環山
 皆守番以擬出警入蹕之儀法泰朝島基庄田某
 并那須衆士等出中途而拜趨今日以大權現
 忌日故有祭禮例也構假閣于道左右垣上以為

幕下御座道右構僧徒假閣復有一小假閣以為
廷臣所居右府疾病不能出也 幕下入假閣時
尾張殿紀伊殿來謁而後著御座傍 神輿將出
山僧皂帽著袴帶短刀掛手繼而舞年延衆僧列
立地上以歌曾聞台徒言謂山中祭摩多羅神此
神好歌舞下禮多屈子多兩童在神左右或擊鼓
或舞蹈蓋此表之也於是奉慰 大權現也已而
神輿出矣兩輿扈從兩輿者山王與日光也 松平右衛門大
夫正久板倉内膳正重昌秋元但馬守泰朝步行

久能神生柳原越中守久吉騎馬行列之中獅子
田樂絡繹而度田樂法師於閣下地上再拜按竹
篲取刀玉提脚跳躍以為幻戲其餘次第如恒例
甲冑以下凡諸武器衣服行糶之具皆所新製也
奇麗煥發倍於尋常比三 神輿過閣前肅敬之心
見于 御容兩亞相亦然侍臣皆不克平視交道
而瞻仰跪坐者幾十万人皆悉伏拜焉 神輿入
旅處離宮獻 御膳庭上奏樂樂畢而徹 神輿
還幸雖漢祖之游衣冠爭及之哉餘社祭奠不足

議也於是幕下入于御殿亭午已後以天海望請故有靈塔戒灌事與寂胤親王慈胤親王先行待之幕下束帶乘轅從者諸大夫繕其列序過銅表到石級停轅少將兼上野介源義彌揚御簾取左御劔授侍從兼取負尉藤原直滋取右寶刀授侍從藤原基重三浦志摩守正次進御鳥從四位阿部豐後守忠秋裝隨身姿掛御裾于弓弦以曳之盤坂曲折運玉趾升禮殿著御座尾張殿紀伊殿在末座前內府實條公亞相資勝卿亦著

座導師天海與寂胤慈胤公海共入塔行授戒灌頂寂胤代神而受之又把胤衣換海衣蓋戒法授受時以前佛之智水灌後佛之頂之謂乎人不能見塔內則世罕知者其間伶人在庭奏音樂散德慈胤擊羯鼓合節于伶人笛眾僧二十口詩列立扉外聲明行道想夫西土寶塔涌出于此乎南天鐵塔顯現于此乎可謂不可思議也御轅還館行列如前少馬兩傳奏伺候六貴僧及姪臣悉來拜六貴僧獻詠天海公海出拜而退使阿

部重次賜銀三千兩袂衣二十領於天海銀千兩
袂衣十領於公海又遣三浦正次訪水戶殿答拜
命之辱今疾少愈壬辰十八日新廟法華曼荼羅供
養謂四箇法要之中也六人貴僧早入社內即座
伴僧五十口從焉衆僧百口列于回廊前內府實
條公丞相資勝卿兼賢卿黃門業光卿光賢卿經
敦卿參議公景卿著座總光朝臣奉行職事焉出
居次將或四人或二人堂童子四人皆以雲客擬
之伶人音樂邊道師道師大僧正天海入社其儀

如例頃之幕下齋明盛服駕御轅筵道左右引
列源義彌揚御簾藤直滋持御劔侍從兼若狹守
源義冬持寶力藤基重進御烏阿部豐後守假爲
隨身曳御裾少將藤直孝松本侍從兼出羽守源
直政侍從源清匡侍從藤利勝若狹侍從兼讚岐
守源忠勝近侍轅傍其行列皆如昨日豐浦參議
兼甲斐守大江秀元柳川侍從兼飛驒守源宗茂
又留米侍從兼玄蕃頭源豐氏共在御下光廣卿
季繼卿氏成卿雅宣卿永慶卿等衣冠躡踞庭陰

尾張殿紀伊殿先行待籬外而後從入焉 御座
定而後兩亞相著座於是導師唱諷誦又讀願文
其法要伽陀韻弄散花之際鼓吹在庭羅袂回雪
振三節 胡蝶 萬歲樂 延喜樂 加陵頻 又於廟
左之堂內而薰修護摩矣廟中禮畢前內府起座
跪唐織有司捧被物縫物及階雲客取之入闕以授
前內府持之起置道師前至于再而復座資勝卿
以下月卿以次起踰闕取被物置之貴僧前 各三
又授喜多院大僧正空慶尊勝院僧正慈性 共白

自餘冰門被物則十餘輩雲空授之至若百口僧
被物則諸大夫於長廊使纏頭焉別使大田備中
守資宗阿部對馬守重次奉行之既而僧徒自下
臈退去月卿亦然其後 幕下奉幣被進雄劔守
龍蹄駁毛去歲自朝 鮮國所貢也 尾張殿紀伊殿奉幣水戶殿
鐘宋克著座今病愈來奉幣天海先入與捧神盃
幕下受釐又拜與 俗云正 面御拜 時三卿戴盃既而還館
其儀如初此日也 廟庭立高卓盛綉帛數十匹
綿百純例也其後使義彌義冬齋酒菓賜公卿及

雜山文集卷之三十一 十四

六貴僧逮晚御覽席宇近臣從行新營締構頗
 稱其旨遂巡視龍尾而還爾後獻御齋盛饌例
 也天海拜執首而退癸巳十九日慶本地堂藥師堂
經導師天海及六貴僧率群僧入堂儀式如昨日
 實條公資勝卿光廣卿經敦卿氏成卿康胤卿俊
 定卿著座弘資朝臣奉行職事焉幕下升堂從
 者行飾如昨日御座定尾張殿紀伊殿水戶殿
 相從著座於是誦經聲明散花其間舞樂於庭
三節 賀殿 林賀 振樂 陪廳 迎慶類
胡蝶 陵王 納菴利 長慶王

若音樂則季繼卿掌之永將有能為樂行事配譜
 目于左右幄三日共然法事畢有被物事役同昨
 日但右府疾病不能強起故實條公代之兼勤已
 役此依鈞命也既而還御館從者如元九暴風
 驟雨陰晴不定者山間之常也况他處雖不雨空
 翠霧勃露滴滴有私乎况彼時惟梅潦之天乎而此
 三日快晴風靜氣清氛埃不揚古今無雙之神事
 大營速成人僉曰匪直也事必其神意之所感
 格天心之所保護台命之所謹慎三者相應相

稱而所以益廣其大孝於天下後世以示政教之
效驗者歟昔建久六年慶東大寺甚兩地震建保
嘉禎兩年考太慈寺共逢大雨時頼洛建長寺靈
零雨降凡其供養之日難獲快霽如此嗚呼援言
而視今則大優哉於是使義彌義冬告卿相與貴
僧可被詣江戶且招雲客千傳奏寄宿之坊告
諭亦如之右府請自此山直歸洛執事者以白乃
聽之又召泰朝賜御力賜黃金若干于島某庄田
某以造宮寺劬勞故也其後幕下後日光到合

市使源忠勝赴導師大僧正坊賜銀二万兩賜五
千兩于公海檀婆羅密也其所施與衆僧亦視先
是年忌則皆倍獲焉至於雜僧小沙彌巫童弱女
神隸社奴谷中民戶不敢遺失則無一箇不被其
澤者高力攝津守藤原忠房內藤伊賀守忠重秋
山修理亮政重蒙旨暫守山中源忠勝奉旨
使松平正久板倉重昌與泰朝留山行達嘍事先
是天海進呈新緣起一卷而今太上皇濟奎翰
贈焉想像雲章星彩鳳舉鸞回自天上來若非敬

神之懇丹焉至于茲哉巾笥十襲秘在廟內而罕見者其餘一品經者皆是竹園槐門華族等蒙正旨手自書所奉納也若依條而言之遠分恒寂皇子筋肉而肥瘦有態近公尊圓親王派流則形勢惟肖如對藤佐理於手書似見源治部于章草其黃卷赤軸裝潢麗美軸軸金玉盛諸琅函捧者當心開之驚眼方今以書寫之功德而奉供養焉下句半偈猶有功德况八軸乎况又添以餘深法之脩多羅乎可謂靈寶矣此際貴僧高僧皆奉幣延

臣亦然武臣群士亦然曠時三卿詣今市謁尊前直孝直政清匡利勝執事近臣侍焉命曰祭法事訖志願已滿三卿謝之乃解御齋獻嘉膳自二十晚潔齋至此始進會魚酒酣欣然侍臣亦奉旨頒數盃而罷甲午二十日台輿發軔于今市路歷鹿沼井上河内守藤原正利拜迎少時憇息因獻畫餽今晚入壬生城阿部忠秋所新賜食邑也掃除郭內整頓饗應七未二十日路馬發壬生當午到古河藤利勝奉送之於道傍新築茶寮在御駕輟休矣晚

入巖築城對馬守重次拜趨治具如初二十雨申二日

午後還著江戶鹵簿如初申時零雨滂沱從者不

沾旅裝皆云海晏河清風調雨順可謂瑞雨矣戊

戌二十台駕詣增上寺今日日光往還如斯蓋

告于皇考也嗚呼惟孝大矣哉時自日光馳書

言二十十一二日兩讀誦法華一方部僧五千餘口

布施青蚊三萬有餘二十三日山中雷雨二十

四五日兩於廟庭有猿樂俳優四座大夫勤法樂

翌日大雨不亦奇乎是月下浣之間群國侯伯太

夫躋山奉幣且謁天海者徃來連屬云爾此擬燕

雀之賀而表敬仰之忱也自西自東自南自北無

思不服之謂乎既而三卿來于江戶謁于御前

於是廷臣月卿雲客與貴僧皆至自日光五月乙

巳朔越庚戌六人貴僧暨月卿雲客以下登

營拜謁英顏作禮而去知恩院良純親王實相院

僧正義尊圓滿院僧正常尊有禮拜此雖不預神

事其志詣日光而到江戶故也兩傳奏待焉武臣

執事群士多伺候焉賜官米于良純親王正義尊僧

正常尊僧正各二百俵以無慮庖相繼故也壬子
八先宵舶趨風雨至昨日不止今晨快晴招廷臣
并貴僧以備盛饌三五良恕親王堯然親王良純
親王家胤親王良尚親王前大僧正尊純及僧正
義尊常尊列坐御前左右實條公資勝卿光廣
卿兼賢卿公景卿在其座獻盃茶菓事訖拜謝而
退其外月卿乃在別殿與尾紀兩巫相水戶黃門
同座又雲客二十餘輩則列于別座皆使有司職
掌之饗已卿相雲客各出拜御前而去今日慈

胤親王嬰小恙而不參頃自有旨新架假閣於
郭內徑輪廣袤各數十間珠箔金屏間架遷迤為
使廷臣貴僧等見猿樂也癸丑九召列國牧司刺
史於管内皆賜饗飲甲寅十早旦幕下登假閣
御座其左隔戶隔屏以為親王貴僧座實條公資
勝卿列焉月卿雲客等隔間而居六位坊官亦預
焉其右隔戶與屏以為尾紀兩巫相水戶黃門座
其次侯伯達官太夫士以下各隔座有差於是酒
井宮內大輔忠勝鞠躬趨階到舞臺橋盡其期即

猿樂出諷謠鼓吹共盡其曲在言優者亦然式三番

高砂 經政 軒端梅 飛雲 唐船 四番以後

善界 獅子 張良 猩猩

岳簾使各飲食無不醉飽歷歷職掌之此時舞臺

積孔方五百鎰酒并官內大輔趨進在官臺取時服

猿樂大夫五人以與之猿樂百數十人守序出纏頭

拜而入幄猿樂畢貴僧廷臣拜謝焉二卿以下達

官亦拜謝焉 幕下還 城今日庭上見者無良

賤無緇素無老弱殆數千人命使降籠物百餘合

于庭且與糲飯并酒喫吞皆遍翌日又御覽猿樂

七番令武臣諸士縱觀焉特召增上寺住持知童

上人并諸宗碩學來江戶者見之皆賜飲食猿樂

訖各奉拜謝焉又降餉庭上不異昨日厥明亟撤

假閣丁巳十三日賜暇于六貴僧賜寂胤親王銀一

萬兩特加綿五百純良怨親王堯然親王前大僧

正尊純各銀一萬兩不加綿慈胤親王銀五千兩良

尚親王銀三千兩義彌義冬往其旅邸以送

鈞命皆拜納而謝之其賜從者坊官或銀或單衣

各有差戊午十四日召廷臣于 營內賜暇并銀實

條公資勝卿各五千兩及綿五百純且以年甫
勅使故特賜銀二千兩及綿百純其餘大納言中
納言二千兩參議三位以上二千兩殿上人一千
兩極臈藏人五百兩至若兩局左右史地下諸吏
等或單衣或銀各有差今日賜暇於良純親王銀
三千兩袷衣二十領義尊僧正常尊僧正銀三千
兩義彌義冬奉_テ旨而行皆拜納以謝焉而後興
福寺法務大僧正空慶拜納銀二千兩僧正慈性
亦拜受銀千兩並賜其暇焉其他使役于祭事而

賜米穀者猶多矣雖隸首弘羊不能盡筭也皆是
靈庇之洪蔭恩澤之深厚所廣覃也假令以本朝
古昔之勅會盛禮而准之未若此繁富夥夥也
雖賴朝卿之於鶴岡於勝長壽院尊氏卿之於靈
龜山義滿公之於萬年山未曾聞如是供養慶贊
之壯觀也今夫法中皇子高貴淨住及宰官八座
尚書羽林濟濟登山曳勉從事則是應將令也
武臣億兆景從響應勸而不知勞則是重鈞命
也天下之人牧刺史大夫士恭詣靈宇則是謹武

命也四海蒼生不辭黑髮山之遠一騎紅塵直入
白雲堆裏深則是官事無蓋也 台旨之至於如
斯則是敬而致孝于 神也山河草木識威名則
是偃 神風也風雨時若則是 神意之効驗而
天運之所歸其豐功盛烈垂于無窮而沛然有餘
也以此形容告于 神明而綴眉壽介景福矣嗚
呼雄偉哉扶桑之高大陽之明神道之奧廟堂之
靈與天地而長久歷萬祀而益太平者也
寬永十三年丙子五月中旬

此記詳叙新廟之制齋會之儀此後寬永十
七年庚辰四月 東照大神君二十五回御
忌辰也 先生蒙 鈞命作記其後慶安元
年戊子二十三年御忌辰齋會嚴重倍前
先生又蒙 命作記今併存焉然其文用倭
樣唯記事實故為別記而不載於此

羅山林先生文集卷第二十三終

